

Mlara President Dieter F. Uchtdorf
Ongerung el Counselor er a First Presidency



Omeridm er a Dios

Aredil ngkllel a Christa a mle tal loureor er a keke-rel kombalii er a tane. Ng kmal mle soal a urerel. Tia mle uchul a betok el ungil ues ele ikel bekl mekekerei el tane el lulterau a mle klou a techellel el mo tokubets el klebokel—el ua carrots, cabbage, me a dirrek el meklou el mesisiich el kerekar.

A Christa a kmal mle soal dengchokl el chelbangel er a computer e melai a nius e onger a ker. Engdi tara klebesei eng ngiluu a mondai el kmal mlo rrau a rengul el kirel.

“A tane a mekngit,” a okiak a millekoi. “Ak milchar er a erul buil er a mla memong e di diak a ngeral dubech.”

“Ke dilalm er a ungil chutem e melubs e omsa didichel a sils?” Christa uleker.

“Ng diak, engdi ak kildmokl a kirek el meruul,” a okiak a ulenger. “Ak milchar a tane. Maleuaisei, e a ikang *adi kirel* el dubech.”

“A ikang dimlak kom dalem?”

“Ea chelik ng dimlak. Eleng mo dechudech a chimak.”

A Christa millebedebek er tial tekoi e mocha omdasua er a omelchesel a osisecheklel a omelalm el delomel. Ng lilchesii a kot el teletael el kmo: “Ng kirem el oltirakl a osisecheklel a omelalm el tane eng mo sebechel el dubech. Ng diak el kirem el mechei er a tana e momdasu el kmo ng di ngii el dubech.”

Ng dimlak el meketeket eng kuk morngii a tara mondai el dirrek el mlo rrau a rengul el kirel.

“Aikal tane a diak el lourodech,” a okiak a milekoi.

“Ke dilalm er a ungil chutem?” Christa uleker. “Ke milsa a ungil telkelel a ralm me a dichel a sils?”

“Adang, ochoi,” a okiak a millekoi. “A kulturakl a ikel—rokui el tekoi el luches er a blil. Engdi ng dimlak loureor.”

“Ng dimlak a kora ngidil ngerang el dubech? Ng dilubech?”

“Ng dimlak a ngerang,” a okiak a milekoi. “Ak dilalm el oltirakl a ikel kirel teletelel. Ak kmal milatk el kmo ak mo menga tomato er a belsilek er a kebsengei. Elechang eng kmal merat a renguk.”

“Msall,” A Christa dula. “Kau ke kmo el kmo ke dilalm a tane er chelchal sils?”

“Lak di mongebelung,” a okiak a milekoi. “Ak dilalm er a tal sandei er a mla memong. Ng dimlak er a uldesuek a kmo ak mo mes a tomato er a kot el sils; ng mle klou a renguk. Me kuuchais er kau, ng kmal mlo betok el kulubs er a ralm e mengiil er a delongeel sel taem el me lmuut er chelchang.”

A Christa mle medengei el kmo ng kirel kuk mo odekiar a tara osisechakl: “Aikal tane a diosisiu el uai a llechul a omsuubel a klengar. Alsekum eke dualm a tane er a tutau e omdasu a mo menga tomato er a uriul er a tal sandei, eng diak el sebechel. Ng kirel mo klou a rengum e mengiil er a urerel a beluulechad el mo meskau sel belsechel el bom chelbangel er ngii.”

Ng mlo mededaes a rokui el tekoi eng kuk mocha lueta Christa el nguu a tara mondai.

“Ng kmal diak el ungil a renguk er a ikal tane er kau,” a okiak a milekoi. “Ak dilalm el lolitrakl a ikel luches er a blil. Ak milubs er a ralm, e mle kerkikl lomsa didichel a sils, e mengiil el mo er sel taem el bocha kuridm a rodech.”

“Tia belkul a kmo ke riruul el mounkil a ikel kirem el oltirakl,” Christa milekoi.

“Ak kmal riruul mo ungil,” a okiak a milekoi. “Engdi ak ngilai a zucchini!”

“A lluches er a babilengek a ochotii el kmo a ikei a tane el mulemuus.” Christa milekoi.

“Engdi ng diak el soak a zucchini; ng soak a kalbasang!”

“Ng kora diak bo kudengelii a omolekoi er ngii.”

“Ak dilalm a ikal tane er a chelelius—er a kalbasang er ngak el kdilalm er tial mlo merek el rrak. Ak kmal uel-danges aikal delomel er a bekl sils, e mengedecheduch el kmo sel le dubech ete kmal mo klebokel el kalbasng. Engdi ng dimlak el kora mo meklou, e chaibibeob, e bibrurk el kalbasang, ng mlo mekemanget e chemadech a bedengel el zucchini. Ng kmal betok!”

Christa mlo medengei el kmo a bla luches a dirk mekesai meng mecha kirel morngii sel kmal klou a belkul: “A tane el om delmii me a temel a omelalm a ochotii a temel a omeridm.”

Llechul a Omeridm

A Apostol Paul a ulsisechakl el kirel a omeridm er a Dios:

“Lak kom mecheuid; a Dios a diak el mecheblad: ele ikel lolalem a chad, ia ikei a bo loridm.

“Ngikel di meruul a soal a klechad er ngii a mo re-miid; e ngikel meruul a soal a Reng a mo ngar el diak a ulebengelel.

Me lak bo de mesaul el meruul a ungil, ele sel bol bel-sechel e kede mo meridm, a lsekum e kede melemolem” (Kalatia 6:7–9).

Chelchal taem, e a Rubak a mla meskid a bebil er a llomes me a ues el kirel tial klou a belkul el llach:

“Ngarngii a llach, el di mla meketmokl er a babeluades er a uchei er a lobeob tial beluulechad, el ngii a lokiu ngii a ulaoch er a ikel rokui el klengeltengat—

“Sel denguu a klengeltengat er a Dios, eng okiu a ome-ngull er sel llach el milngai er a ulaoch” D&C 130:20–21.

A bo dolalm, a bo doridm.

A omeridm er a Dios a tokubets el ngarbad el klebkall. Mor tirkel loldangers er Ngii, a betok el klengeltengat el mla er Ngii, “a ungil delbodeb, e ulsarch, e uldak er a omelmesim, e omebaoch. . . . Ele sel olkael el mousbech er ngii el kirir a rechad isei a bo lousech er ngii a Dios el kirem” Lukas 6:38.

A tane er a beluulechad a ousbech a blak el reng me a klou el reng, el ngii a di osisiu el omeruul el mo er a ikel betok el klengeltengat er a babeluades. Ng diak el sebeched el nguu a klechelid er kid el ocheueklii er a tana e domdasu el kmo kede mo meritm a chedaol el klengeltengat. Engdi alsekum e kid a dolmii e kerekikl a osisechakl er a klengar er a telungalk er kid er a bekl el sils, eng ngarngii a klou el techelir a rengelked el merael mo meklou loba chedaol rodech el mo klungiaolir me a tirkel ngar medad el cheroll.

A nger er a Dios er a nglunguched a diak el blechoel dengai el merreched—al bebil eng diak bo le me ues—engdi Dios a medengei el kmo ngera ungil el kirel a Rengelkel. Ngulterkokl, a tara klebesei eng mo biusech a osenged; e sel sils e kid a mo mtab a klungiolel me a klebkellel a babeluades.

Maleuaisei, e a moktek me a ungil deurreng a kmo ng kired el merael er a blekelel a Mastang e Osobel e kiei el ungil e kliikiid a klengar er kid meng mo sebechel a ikel yaksok me a meringel el chad el klengeltengat er a Dios el mei er kid.

A bo dolalm, a bo doridm.

Sei a llechul a babeluades.

Sei a llechul a omeridm er a Dios.

OSISCHEKLEL TIA EL KLUMECH

Bo mongedecheduch er tirkel moldingel er tir el kirel a llechul a omeridm er a Dios er a chelsel a deluill, bult el reng, me a klaumera, me a deruchall me a moktek er a omesuub. Ng sebechem el menguiiu e omtab a chedaol llechukl el ngii a melutk el kirel tial llach, el uaia Osisechakl 11:18; 2 Korinhti 9:6; me a Alma 32. Molisiich a rengrir mel sebechir el mo omtab a ikel moktek el blal ketmokl el ruul a beches el ngii a mo sebechir el mo ngmai a ikel tabesul el klungiaol. Bom ngesuterir el mekdebechii a moktek el bol mekedudem el meruul er ngii mel bol sebecheir el mesa moktek er a kemanget el-taem.

Mongedechuul a bo Moridm

Allechul a Dios er a omeridm a kmo al soad a ngidil Angerang er ruriul, eng kired el loureor el kirel er chelchal taem. Asekum eng soad el mekurulii a sers, eng kired el dualm a tane, melubs, e olsobel er a chudel. Asekum eng diak de ketmeklii tiang, eng diak a bo doridm er ruriul!

A beldukl er iou a ngklel a bebil er a ungil "ro-dech" el ngii a mo soam er a klengar er kau. Mluches a bebil er a tekoi el sebechem el remuul er a chelsel chelchal buil el ngii a mo ngosukau el ngmai a ikal klengeltengat.

- Blai el mui er a deurreng
- Skuul
- Ungil sechelei
- Techolb Chelid me a Oterkeklel
- Klaumera er a Jesus Kristo

© 2014 lokuu a Intellectual Reserve, Inc. Urrekodel a rokui el klisiich. Milluches er a USA. Kengei er a English: 6/14. Kengei er a oidel: 6/14. Oidel a *First Presidency Message, August 2014*. Palauan. 10868 881



Chedaol el Urerel a Jesus Kristo: Mesaia

Klaumerang, Telungalek, Ngeso

Mosuub er tial klumech loba nglunguuch e mosiik el mo medengei a kirem el mo ouchais. Ng mekera klemedengei er kau er a klengar me a urerel a Osobel a le choisii a klaumera er kau er Ngii e lomekngeltengat er tirkel mo mekerreu er tir lokuu odingel me a osisechakl? A Imuut el bebil er a omesodel, e bora reliefssociety.lds.org.

Tiang a tebedechel a bliongel er a Klumech er a Oldingel e Olsisechakl el olecholt a bebil er a urerel a Osobel.

Achedaol lechukl a olsisechakl el kmo kid a ultuil er a Dios “ngokiu a klungiaol, me a chubechub, me a klebkellet a Chedaol el Mesaia” 2 Nephi 2:8. *Mesaia* a “tekoi er a Aramaic me a Herbrew el belkul a kmo ‘ng milngilt.’ . . . A Chelsel a Beches el Testament e a Jesus a okodongall el Kristo, el ngii a tekoi er a Greek el di osisiu a belkul er a *Mesaia*. Ng belkul a kmo ng milngilt el Profet, Priest, King, e Osobel.”¹

A Elder Jeffrey R. Holland er a Chelechad er a Teruich me a Terung el Apostol a milekoi: “Ak medengei el kmo a [Jesus Kristo] a di Imong el Chedaol er a Israel, el Mesaia el ngii a tara klebesei eng lemuut el mei er sel ulebongel er a klebkall, el mo mendedederer er a beluulechad el ngii a Rubak er a re rubak e King er a re kings. Ak medengei el kmo ng diak a ngodech el ngakl el milngai lokuu a babeluades el sechal [malechub eng redil] a sebechel mo suobel.”²

“[Jesus Kristo] a Osobel e Melubt a Kengtil a beluulechad,” ng millekoi a President Dieter F. Uchtdorf, el Ongerung el Counselor er a Kot el Presidency. “Ngii a ngara yaksok el Mesaia. Ng mlukeroel er a ungil klengar e milngilt el kirel a kengtid. Ng melemolem el ngar bita er kid. Ng mo mesebechakl er kid er a ikel mekemad el mei er kid. Ngii a urunguled; Ngii a Osobeled; Ngii a rael.”³

Bebil er a Chedaol llechukl

Johanes 1:38–41; 4:25–26, 40–42; 2 Nephi 6:13; 25:16–17

Ngara Chedaol llechukl

Tirkel redil el oltirakl er a Kristo a milsa urerel el deruchall el Ngii a obang el Mesaia. A Mary Magdalene a ultirakl er a Jesus Kristo. Ng mle kot el chad el mesa “sel bad el milngai el mo er cheroid er a debull” er sel tutau er al Mokiis er a Kodall a Kristo. Ng “dilchor er a ikrel a debull e lmangel” er a uriul er a le betik el kmo a bedengel a dibus er a debull.

Meng “mileltii el lobult, e milsa Jesus el dechor, e dimlak el dengchii el kmo ng Jesus.

“Jesus uleker er ngii el kmo, ngera me ke lmangel e kel dil? ng techa mosiik er ngii? Ng, rengul ng chad er a sers, meng dilu er ngii el kmo, Kel chad, a lsekum ke ngiluu, e msbedak er cho blo mlia er ngii me bo knguu.

“Jesus a dilu er ngii el kmo, Mary. Me ng ulbult el bedul ngii e melekoi el kmo, Rabboni; el belkul a kmo Mastang.” Mary a dilengchii el kmo ng diak el chad er a sers eleng Jesus Kristo, el Mesaia. (MesaJohanes 20:1–17.)

ULEKLATK

1. Olchotel a Chedaol Lechukl, “Messiah”; scriptures.lds.org.
2. Jeffrey R. Holland, “The Only True God and Jesus Christ Whom He Hath Sent,” *Liahona* Nov. 2007, 42.
3. Dieter F. Uchtdorf, “The Way of the Disciple,” *Liahona*, May 2009, 78.

Momdasu er Tiang

Ngera meng klou a ututelel a bo dodengeliu a deruchellel a Osobel el Messiah?